



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginae
oraculis, & Sacr. ...

Monacellus, Franciscus

Venetiis, 1707

Ad Deiparam Virginem Mariam.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

A D D E I P A R A M
VIRGINEM MARIAM.



MATER DEI, & hominis, ò MATER rei,
& Judicis, ò MATER Regis, & exulis,
suscipe opus, quod suppetiis tuis completum
est: suscipe obsequii mei exiguum munus:
& si quid dignum laude scripsi, propitia re-
spice: & quod calamus infirmum protulit,
clementer eleva. TU pia allisisti me, & funes ceciderunt mi-
hi in præclaris: quoniam protectio tua est magna nimis. Ecce
reddo tibi Vota mea, & benedicam Dominum, qui tribuit
michi intellectum, ut possim laudare TE: At quis poterit te

dignè laudare ? nemo , nisi ipsum dignum faciat ille qui ha-
bitavit in utero tuo. Tu es illa quam benedicunt omnes gene-
rationes ; quia omnibus generationibus vitam , & gloriam
genuisti : in te enim Angeli lætitiã , Iusti gratiam , Pec-
catores veniam iuveniunt. Gaude igitur prodigium Domini ,
quia in Conceptione tua ceteris sublimior evasisti , & ut im-
munis Columba in sublimem collem Divinæ essentia evola-
sti. Gaude festivitas Cæli , quæ de igne Divino succensa ,
ut Areola fumi ad Cælum ascendisti , & Divinæ effusionis
dulcedine pabulata flores Virgineos voravisti. Gaude aquadu-
ctus gratiæ , quæ in visione Deitatis clara de sinu Patris ut
Apis favum mellis Verbum suxisti. Gaude languentium
medicina , quæ in tempore illo , in quo nasciturus in Mundum
Salvator erat , divinerum arcanorum admiratrix fuisti ,
& dum fortior in ipsum Dei Patris sinum trahebaris , vagi-
tus Filii te in terram traxit. Gaude Divini amoris favil-
la , quæ in ipsa nocte in qua Salvator parvidus ad Patrem
oravit , ut fulgur ad Cælum ascendisti , ubi pretium redem-
ptionis cognitum pro Animarum salute proprium Filium gratis
obtulisti. Age Virgo Dei Genitrix immaculata , accipe has
paginas , quas pro tui nominis gloria , & Presulum utilitate
demississimè pro-volutus offero , & sis quæso mihi , & in-
vocantibus nomen sanctum tuum apud Filium quem peperisti
perpetua Interventrix . Amen.

Indignus famulus , & Capellanus
Presbyter Franciscus Monacelli.

BENE-